

**ATASSUT****UKA 2016/24-1****Steen Lyngø****27.09.2016**

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisissaat nr. xx, xx. xx 2016-imeersoq. (Nammineerluni nalunaarsuinissamut piffissarititaasumik, kiisalu nunani allani akileraartarnermi oqartussaasunut paasissutissanik tunniussisarnerit pillugit ilisimatitsisussaataaneq, taamatullu aningaaserivimmi kontumik tunniussisussaataaneq aammalu soraarnerussutisianut tunngasunik paasissutissanik nalunaarsuineq pillugit allanngineq).

Aningaasaqarnermut Aatsitassarsiornermullu Naalackersuisumitakileraartarnermut inatsisit pillugit allannguutissatut siunnersuutit saqqummiussai ima Atassut-mit oqaaseqarfigissavagut.

Atassut-mit paasisinnaalluarparput akileraartarnermut inatsisit pillugit Naalackersuisut maanna siunnersuummik aaqqiissutissanik imalimmik saqqummiimata.

Allannguutissatut siunnersuummi ilaattut taaneqarsinnaavoq, akileraarutinik utertitsineri akiliutitut atorneqartarsimasup, tassalu check-imik akiliuteqarnerup atorunnaarsinnissaa. Check ullumikkut akiliutitut atorunnaariartuinnarpoq. Tamannalu tunngavigalugu banket check-i pillugu suleqatigiinnerat ukiup naanerani atorunnaartussaalluni.

Suliffeqarfinnik ingerlatsineq pitsaasunik sinaakkuteqartariaqarpoq.

Pisortatigut allaffissorneq innuttaasut aammalu suliffeqarfiit pillugit pilersitaavoq, killormuunngitsoq. Taamaamat pisariaqarluinnarpoq, pisortatigut allaffissornerit ilusilersugaanerit innuttaasunik aammalu suliffinnik sullissinissaannut aaqqissugaanissaat.

Allatut oqaatigalugu pisortat allaaffeqarfii pitsaasumik, sukkasuumik aammalu eqaatsumik inuussutissarsiortunut sullissisussaapput.

Taamaamat Atassut-mit nuannaarutigalugu maluguniarsimavarput, Naalackersuisut inuussutissarsiutinik ingerlatsisunik tusarnaarniarsimammata, taakkunanga pineqartunit tassalu suliffeqarfinnit aningaasaateqarfinnit ilaalu ilanngullugit kissaatigineqarsimammata kingusinnerusukkat naatsorsuutinik eletronisk-iusumik tunniussisarnissaq.

Kingusinnerusukkat naatsorsuutinik tunniussisinnaanerup kingunerissavaa suliffeqarfinnut sullissisut naatsorsuutinik suliarinnittartut, piffissap iluani annertuumik sulipilutsitaasarnerat annikillissammat.

Tamassumap kingunerissavaa kingusinnerusukkut naatsorsuutiniq tunniussinissamut qinnuteqaqattaarnerit annikillinissaat aammalu naatsorsuutiniq suliaqarnermi kukkuluttuutaasinnaasut annikillinerannik.

Atassut-mit allannguutissatut siunnersuutit paasisinnaalluarlutigit annertunerumillu oqaaseqarfigingikkaluarlutigit siunnersuutip ataatsimiitsitaliamut suliaqanngortinnissaa innersuussutigissavarput.

Qujanaq!